


清通禮

十九之廿五



漢書門類			
九	二	〇	七
一	〇	四	號
一	三	函	架
一	六	冊	冊

漢書門類			
九	二	〇	七
一	〇	四	號
一	三	函	架
一	六	冊	冊

內閣文庫	
番號	漢 9207
冊數	16 (9)
函號	295 31



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



Kodak 2007 TM Kodak



大清通禮卷之十九

嘉禮

御門聽政之禮常日部院章奏未奉

聖旨者折本下內閣積若干件得

旨

御門聽政內閣宣布在京部院寺各部院寺官檢所



應進奏事於函飭陪奏官屬吏部轉飭侍班官

具吉服

朔日逢五逢十日公服

依期畢會

右戒辨



至日所司設

御榻於

乾清門正中。榻前設章奏案一。辨百官班位。

乾清門侍衛在

御榻左右翼立。領侍衛內大臣內大臣散秩大臣及
豹尾班執槍侍衛佩刀侍衛在丹陛下左右立。
東西面記注官在西柱下立。侍班翰林科道官
在西階下立。皆東面。大學士啓奏折本在

御榻之左。內閣學士在其後。少南爲部院官奏事位。

尙書左都御史在前。侍郎副都御史大理寺卿
少卿次之。陪奏官又次之。皆西面。以戶部禮部
兵部工部分日首對。三法司直第三班。吏部直
第六班。

右班位

漏未盡。部院寺奏事官暨侍班官畢集朝房。進

至

中左門祇候。春冬辰正初刻。夏秋辰初初刻。進至
後左門祇候。侍衛轉奏得。

吉。百官以次進至

乾清門丹墀東西面。魚貫序立。記注官翰林科道官。於西階西東面序立。

皇帝御輿至門。啓扉。降輿出闔扉。

升座。翊衛如儀。記注官升西階。至西柱下就位。立部院奏事官由東階升。一人奉疏。折旋而西。餘入就位。西面跪。奉疏者至正中北面。詣奏案前跪。恭設於案。興。少退。趨至東楹。轉入班跪。奏某事。畢。興。少退。循東階左降。其次各班依序升東階。

右進奏。如前儀。至吏部奏事。引

見侍班官。畢退。內閣侍讀學士二人。升東階。詣奏案前。北面跪。舉本日奏函。興退。侍班翰林科道官。皆退。內大臣侍衛。仍依原位立。

右進奏

百官既畢奏。滿內閣學士一人。奉折本函。升東階。折旋而西。大學士。內閣學士。從升。依次就位。跪。記注官進至

御榻之右。仍東面立。奉函學士。至正中。北面。詣奏案

前跪恭設於案。啓函取折本依序啓奏。

皇帝降旨。大學士、學士承

旨訖。與由東階降。記法官由西階降。

皇帝還宮。各退。

右啓奏折本

恭遇

駐蹕圓明園

御門聽政。是日五鼓。所司請

勤政殿啓扉。設

御榻於殿內正中。設章奏案於榻前。記法官位西階

太。上。二人立門內。二人立門外。俱東面。餘百官班

位均如常。漏未盡。部院寺奏事官侍班官均於

出入賢良門外。祇候門啓。百官以次由東門入。東

行至

勤政殿門外。侍班官候於右門外。奏事官候於左

門外。

皇帝升座。翊衛如儀。侍班官隨侍衛由右門入。記注

官升西階。就位立。翰林科道官以次就位立。部

院寺官奏事。內閣學士啓奏折本。皆如前儀。

右圓明園啓奏折本

常朝之禮。每月常朝之期。鴻臚寺以四季疏請。皇帝有旨升殿。謝恩各官。具銜名送鴻臚寺。列疏交送內閣。至日五鼓。所司豫設案一於

太和殿內之西。陳筆硯樂部和聲署。入展中和韶樂於殿檐前。展丹陛樂於

太和門檐下。鑾儀衛率官校入陳

法駕鹵簿。鳴鞭。仗馬步輦五輅。馴象鼓吹。常朝象依

次如式。侍班執事官。王公文武百官班位如朝

賀儀。

右陳設序位

漏未盡。王公文武百官朝服。外國陪臣以時至者。服本國服。畢會

闕下。質明。侍班執事官入就位。鴻臚寺官按翼序

員定王公班次。由

午門左右門。

太和門左右門引入。序定文武百官班次。由

午門左右掖門。

昭德門。

貞度門引入。又序定外國陪臣班次。引隨西班百

官後入。咸就位。立兼管鴻臚寺禮部尚書鴻臚

寺卿二人。奏請

御殿遂前導。

駕午門鳴鐘鼓。

皇帝禮服乘輿出宮。導從翊衛如朝賀之儀。至

太和殿北階降輿入。工舉麾鼓祝。中和韶樂作。奏

皇

天錫嘏懿純。陳充庭華瑤。金根扇春風。風兆人澤如

春睿周萬品。化洽無垠。

仲春辭曰。所無逸恭。已巖廊。萬寓協嘉祥。吹律

圓鐘。諧舜瑤。負辰當陽。柳風初轉。芽黃翠甸。輕

雷蘇百昌。發生心。

皇奉若寬大詔。播天常。

季春辭曰。日麗風和。徧寰區。新榆改火。龍旗在

苒晃鸞坡赫如曦。

皇升座羣辟集瑤珂。拂花茵垂佩多。天門蕩蕩無偏頗。純嘏詠卷阿。

孟夏辭曰。玉宸旦婺中。

天王御法宮。乘朱輅。曳長虹。六六冷簫諧女鳳。萬物被薰風。阜財解愠。福祿來同。

仲夏辭曰。禁林清。反舌無聲。登進忠良。佞不行。南風假大而宣平。坐明堂賞五德法。乘離以持衡。

季夏辭曰。鼓舍少黃宮。諧鳳伏庚光。赤帝騎龍。嘒彼三星正昏中。茂對乘時穆。

聖衷陳金奏。宣景風明光。觀辟公。

孟秋辭曰。金井桐飄大火流。夷則聲清律應秋。天行轉蓐收。黃茂滿田疇。曉光閭闔浮。搏拊夏鳴球。玉殿千官咸拜手。仰宸旒。

仲秋辭曰。乾坤爽氣澄序。宮殿清光靜安。設九賓而法見。叶九和於天端。晻靄揚雲罕。玲瓏動玉鑿。烈徽猷兮萬世。蕭纓冕兮千官。

季秋。辭曰。鴻依銀渚。菊有黃華。隴雲飛。木葉下。
百穀登場罷。芳辰逢令嘉。黃麾列正衙。豹竿移。
龍鱗射。日上朱霞。

天錫吾

皇多稼。

孟冬。辭曰。時合黃純。熙修司職。顯皇執坎持權。
聽彤廷珮響。玉琯風宣。懷黃縮白趨丹陛。

皇儀展於穆同

天光華

聖日。采恩煥彩。暄到齊編。

仲冬。辭曰。七日陽來。天地仁。萬象一中分。人從

心上起經綸。綱紀三才屬

大君答陽臨玉宸。無私學化鈞。包元履德日。勞勤品

類盛。荷陶甄。

季冬。辭曰。斗柄將東。四序周。佳氣滿皇州。嘉平

吉日。諷翠輅充廷立。九旂吾

皇御大裘。法座侍王侯。服舊德。布新猷。穆若天儀福

祿。適。

皇帝御太和殿升座工偃麾。夏啟樂止。中和韶樂以舉麾鼓祝作

偃麾夏啟。變儀衛官贊鳴鞭。丹墀內三鳴鞭。戲

止後同。竹交。丹陛樂作止皆。丹陛樂作。奏慶平之章。樂辭

同三。鴻臚寺官引謝。

恩官出班序立贊進皆進贊跪皆跪贊叩興王公百

官行三跪九叩禮外國陪臣皆隨行禮畢興贊

退各復原位立樂止丹墀內三鳴鞭中和韶樂

作奏顯平之章孟春辭曰淵然至道遊神協天

行地文照寓騰華若早輪清明廣大和閭恩滂

洋葭葦霑仁念民生生此辰酌於民瑞惟大有

寶則賢臣。

仲春辭曰蕭羣后鳴珮鏘鏘拜手仰龍光初日

瞳矐奎壁麗明庶風翔普天和氣休穰浹化鷹

成鳩眼良躬清明基宥密恩溥洽達要荒。

季春辭曰瑞靄祥飈映彤墀紅雲繚繞。

一人淵默德光昭百花中千門曉銅鶴篆煙飄奏仙

音。

駕退朝促耕布穀飛靈沼盈耳說農勞。

孟夏辭曰。麥秋滿野。登桑穰。繭已成。玉衡正。泰階平。上下交孚。寰海靖。黎庶樂時亨。罄天亘地。茂豫桐生。

仲夏辭曰。槿初榮。剪與朱明。天稷星邊。漢影萌。紅輪照九神。嘉生念農芸。夏暑雨。穆

皇心首重耕。

季夏辭曰。彌六合。黎元祝頌。奉三無

帝念淵冲。莠鬱元雲。滄宸楓。大雨時行。黍稷茂。虞琴奏。

皇在宮。勤思劇月農。

孟秋辭曰。鷹祭蟬鳴。屆白藏。御廩初登。穀始嘗。

秋回禁陞涼。

皇居奠總章。恩膏正溥。將零露。浥瀼瀼。六合熙熙。齊所叩。挈珠囊。

仲秋辭曰。雲高漢迴。參見露白。飈清。蛸寒。沆告

成夫。萬寶。祗祝釐於三壇。瑞穀歧而秀。玉粢好

且完。喜豐盈。兮百室。國安泰。兮民歡。

季秋辭曰。鞭鳴鐘動。簾捲煙斜。漾金風。香衣駕

天履言還暇。黃雲香滿車。村村晝響耒。處深宮
心區夏。重恤民家。黼辰幽風圖畫。

孟冬辭曰。寰海豐穰農夫之慶。深宮理化揮絃
念艱難稼穡不敢游畋。琳琅萬卷環天祿。三餘
愛清晏探研。時幾勅命。明良喜起。所寶惟賢。

仲冬辭曰。順氣祥風。翺九垓。太史正書雲。沈幾
先物福生人。淵默雷聲秉道真。八風以序均天
根。月窟循昭乎若日。正三辰。不遠復以修身。

季冬辭曰。太室黃雲紫氣蒙。時雪報年豐。天關

橐籥充臙鼓。催春大地通。

皇家寶緒隆。契合動昭融。月西朏。日生東。萬載回環
不息同。

皇帝還宮樂止。鴻臚寺分引王公百官依次出退。

右朝儀

每月逢五常朝日。

皇帝不御殿。羣臣坐班之禮。先期八旗部院寺具朝
官名冊。送吏部禮部都察院。至日黎明。王公百
官朝服畢會。

闕下鴻臚寺官序定王公班位於

太和門外東西各二班按左右翼分列東西面北

上聖駕巡幸日王公序百官班位於

午門外朝房前東西各九班各依序為位皆東西

面重行北上糾儀御史二人吏部禮部官各二

人分位東西班首糾儀御史二人吏部禮部官

各二人分位東西班末均東西面北上

右班位

列坐之節春冬以辰正夏秋以卯正屆時門校

禁斷行人糾儀官就位左翼諸王率羣公入

午門左門右翼諸王率羣公入

午門右門就位未入八分公以下百官各以次就

位坐吏部禮部官屬受銜名糾儀官起繞班行

眠不如儀者糾之上一匝還復位坐少頃王

率羣公出百官皆退凡常朝日遇雨雪及素服

在內廷行走或令節赴圍祇賀帶各官引

見及有事故者許於册內聲明毋庸坐班

喧嘩背坐踰越御道者糾儀等官指名題參

又每月初一日。初十日。二十日。王公以下。八旗世襲三品以上。大臣二人。分翼率領八旗武職官。公服坐班。禮部。兵部。官各二人。糾儀。又每月左翼逢單日。右翼逢雙日。王公等坐班。宗人府屬官稽察。均如常朝坐班儀。

右八旗武職坐班

皇帝時巡盛京。

特行慶典。

升殿受賀之禮。豫日。羣臣具賀表。送

盛京禮部。屆日。鴻臚寺設詔案。表案各一。於

崇政殿內東旁。又設案一。於丹陛正中。鑾儀衛陳法駕。鹵簿於

崇政殿外。樂部陳中和韶樂於殿檐下。陳丹陛大樂於丹墀南。工部官設臺於

大政殿外。鴻臚寺官設案於臺上。禮部官陳表於龍亭內。校尉自部舁行。作樂前導。至

大清門。亭止。奉表進

崇政殿。恭設於表案內。閣學士恭奉

詔書陳於詔案。如式黎明。內外王公百官。蟒袍補服。朝鮮國陪臣。服本國服。畢集。鴻臚寺官序隨。駕王公文武官班次於丹墀東。

盛京文武官及

陵寢官班次於丹墀西。均以品為序。朝鮮使臣附西班。末禮部尙書侍郎奏請。

皇帝御龍袍袞服乘輿出宮。

御崇政殿作樂。鳴鞭羣臣表賀行禮。均如三大節朝

賀儀。如恭奉

皇帝御禮服率王公朝於

皇太后時巡盛京。

皇太后行

宮百官會於大清門外。行禮畢。皇帝御龍袍袞服。御殿受賀如儀。是日

頒詔布告天下。

詳頒詔儀

皇帝御大政殿賜隨

駕王以下及蒙古王公。

盛京文武官等燕如儀。

詳筵燕儀

升殿樂奏元平之章。辭曰維

天眷我

清。一統車書

帝道亨。法駕蒞陪京。祠謁

珠丘展孝誠。陟降舊宮庭。思

祖德。答

天明。佳氣繞龍旂。瞰

聖日。海東升。

羣臣行禮。樂奏慶平之章。辭曰。重熙累洽。紘瀛

被仁風。穆如

神孫臨鎬豐。

橋山禮成。御故宮。零露瀼瀼。有來雍雍。

還宮。樂奏和平之章。辭曰。文思洽九瀛。

神孫繼治。游昇平。皇初七德成。締造艱難

景命膺。撫序暢中情。凝旒竚。若奉盈。昭茲萬億齡。

列祖武。敬其繩。

右盛京朝賀

聖駕回京師。

皇帝御太和殿。王公百官進表行禮如儀。

右回鑾朝賀

盛京常朝之禮。月朔及逢五日。會明堂。禮衣旌

盛京文武官。於

大政殿八旗朝堂前坐班均豫造名冊送

盛京禮部其日黎明百官朝服會朝堂辨定班位

鑲黃正白鑲白正藍四旗在東正黃正紅鑲紅

鑲藍四旗在西奉天府堂屬官在鑲藍之南其

班將軍一班副都統五部侍郎一班奉天府尹

府丞一班協領城守尉一班五部郎中佐領治

中五部員外郎五品世職一班五部主事通判

京縣知縣防禦一班七品筆帖式七品世職司

庫經歷驍騎校一班八品筆帖式教授一班九

品筆帖式司獄一班東位西面西位東面皆北

上春冬辰正夏秋卯正各就朝堂前按班列坐

禮部贊禮郎左右各一人自班首繞行受銜名

畢少頃各退如有無故不到及越次失儀者指

名叅奏

右盛京坐班

天。

地。

太廟。

社稷均朝服將事如儀。

右祇告

前期內閣具

嗣皇帝率王公文武大臣慶賀

太上皇帝傳位表文。豫送禮部。其式曰

大子臣御名率王公大臣等謹

奏某歲元旦

皇父太上皇帝親授大寶。子臣敬承

慈命。謹率同王公文武大臣等奉

表恭

賀者。伏以

表聯隨
時撰擬

欽惟

皇父太上皇帝陛下。

隨時
撰擬子臣祇受

洪圖欽承

渙詔伏願

隨時撰擬子臣及諸臣等曷勝欽悅慶忭之至謹奉

表稱

賀以

聞。

直省文武大臣隨進賀表送禮部其式臣等奉

職在外不獲同在。

廷諸臣躬親拜舞謹望

闕叩頭慶

賀伏以應旨恭頌

表聯隨時撰擬文友官第五小縣某官引某等始對歸并

欽惟表文其左五京縣某縣王引某等端王貝

太上皇帝陛下引並並對賀

隨時撰擬臣等幸際

昌期恭逢

茂典伏願

隨時撰擬臣等無任瞻

大書通禮

卷二十一

三

天仰

聖懽忭之至。謹奉

表稱。

賀以

聞內外諸王大臣並進慶賀。

皇帝登極表文。其式在京稱某親王臣某等諸王貝

勒文武官等在外稱某官臣某等誠懽誠忭稽

首頓首恭逢

皇帝受寶禮成。

登極紀元謹奉

表慶

賀者伏以

表聯隨時撰擬

恭惟

皇帝陛下

隨時撰擬

臣等忝隨鵷列欣遇

龍飛伏願

隨時撰擬

臣等無任瞻

大清通禮

卷二十一

四

天仰

聖懽忭之至謹奉

表稱

賀以

聞禮部屆期疏請

御太和殿行禮

制報可

右表賀儀式

至日五鼓所司入

太和殿鋪陳

御座左右設几各一稍南正中設案一東西肆東楹

西楹設案各一皆南北肆鑾儀衛官設

嗣皇帝拜褥於檻內正中又於丹陛上設案一設黃

蓋雲盤於丹墀內鑾儀衛率官校入備鑾輿陳

法駕鹵簿樂部和聲署入展樂均如朝賀儀夜漏

未盡內閣學士恭奉

傳位詔書

鈐用寶次用

太上皇帝之皇帝之寶

陳東楹案上禮部

儀制司官恭奉慶賀

太上皇帝傳位表文陳於西楹案上大學士率學士詣
乾清門請

皇帝之寶學士恭奉大學士從至殿內恭設

御座左旁几上退大學士二人分立殿東西檐下宣

表官一人立西檐下記注侍班執事各官王公

百官班位如常朝儀

右陳設序位

質明王公文武百官朝服畢會欽天監官詣

乾清門報時禮部尙書先詣

嗣皇帝宮啓請

嗣皇帝朝服祇候是時後扈內大臣二人率豹尾班

執槍侍衛十人佩刀侍衛十人於

乾清門外導引禮部尙書侍郎二人於門階下前

引大臣十人於

太和殿後階下咸左右序立祇候禮部尙書奏請

太上皇帝禮服乘輿出宮

嗣皇帝隨行

午門鳴鍾鼓禮部尙書侍郎二人恭導後扈內大

臣從至

中和殿後降輿

太上皇帝升中和殿寶座

嗣皇帝在殿內西向侍立鴻臚寺官引侍班導從各官接班行三跪九叩禮畢侍班官先趨出外朝就位

駕興中和韶樂作奏元平之章

樂辭隨時撰擬以下並同

太上皇帝御太和殿寶座

嗣皇帝西向祇候樂止鑾儀衛官贊鳴鞭者三階下

三鳴鞭鴻臚寺官贊排班丹陛大樂作奏慶平之章禮部尙書侍郎二人導引

嗣皇帝詣正中拜位立鴻臚寺卿引王公於丹陛上鳴贊官引文武百官於丹墀內各就拜位北面立贊進皆進贊跪

嗣皇帝率王公百官跪贊宣慶賀

傳位表宣表官由西檐自殿右門進從西楹前案上奉表至殿檐下檻外正中跪大學士二人左右跪展表樂止宣表官宣畢復於原案退贊興

嗣皇帝與仍退立左旁西向大學士二人恭導近

御座前跪左旁大學士請

寶跪奉

太上皇帝

太上皇帝親授

嗣皇帝

嗣皇帝祇受右旁大學士跪接奉

御座右几上大學士恭導

嗣皇帝仍詣拜位立樂作贊跪叩興

嗣皇帝率王公以下行三跪九拜禮贊退樂止禮部

尚書奏禮成鳴鞭如前中和韶樂作奏和平之

章

太上皇帝起座乘輿還宮樂止

右

授璽

內監豫設樂縣於

內殿

太上皇帝還宮後御內殿

內庭主位公主福晉及未受封爵之

皇孫

皇曾孫行慶賀禮

右宮內慶賀

嗣皇帝於

保和殿暖閣御

皇帝禮服內閣學士豫奉

傳位詔書

皇帝之寶陳

太和殿正中案上禮部儀制司官豫奉慶賀

登極表文陳殿東楹案上宣表官一人立東檐下前

引後扈大臣俱侍立

保和殿外欽天監官報時禮部尙書奏請

皇帝御中和殿執事大臣按班行禮如前

皇帝御太和殿南面卽

皇帝位中和韶樂作奏元平之章

樂辭見前三次節儀以下同

皇帝升座樂止三鳴鞭丹陛大樂作奏慶平之章贊

進跪王公百官皆跪贊宣慶賀

登極表。宣表官由東檐入殿左門，奉東楹前案上表。文出，樂止，宣讀如前，樂作。贊叩興，王公以下行三跪九叩禮，畢皆復原位立。大學士進殿左門，禮部尚書進至檐下，大學士奉

詔由闌東出殿中門，授禮部尚書，尚書跪受，興奉設丹陛正中案上，北面跪三叩興，復奉降中階，至丹墀，陳於雲盤內，儀制司官一人跪受，興，十人前導，由中道出。

頒布天下。

詳頒詔儀

禮部尚書奏禮成贊退，王以下俱

退，鳴鞭如前，中和韶樂作，奏和平之章。

皇帝起座，乘輿還宮，大學士率學士奉

皇帝之

寶送

乾清宮退。

右百官朝賀

右祇告

是日五鼓。步軍統領勒所部屯禁城諸門。所司入

太和殿鋪陳。

御座南正中設案一。東西肆前楹之東設案二。西設案一。皆南北肆。又於丹陛中設案一。設黃蓋雲盤於丹墀。鑾儀衛率官校入。備鑾輿。陳法駕鹵簿。樂部率和聲署入。展樂。如儀。詳見三夜漏未盡。禮部儀制司官奉表入。陳東楹南案內閣

中書奉筆硯入。陳西案內閣學士一人奉

詔書入。陳東楹北案。大學士率學士詣乾清門請

皇帝之寶。學士恭奉大學士從入殿內。恭設於中案退記注。侍班執事。各官王公百官班位。如常儀

詳見三大節。

右陳設序位

質明。王公文武百官畢會

午門闕下。朝服序入。均如常儀。禮部尙書奏請

皇帝縞素。由東側殿出入殿左門。詣几筵前。行祇告受

命禮。出更禮服。詣

皇太后宮。

皇太后更吉服。升座。

皇帝行禮。畢。內鑾儀衛豫設

皇帝金輿於

乾清門左旁。禮部尙書侍郎。一人率欽天監候時

官奏時。

午門鳴鐘鼓。西面立內閣學士。數人。中案北面

皇帝由

乾清門左門出。乘輿。禮部尙書侍郎恭導。內大臣

十人前引。二人後扈。豹尾班執槍侍衛十人。佩

刀侍衛十人。翊衛隨行。由

保和殿

御中和殿座。鴻臚寺官引侍班導從各官。按班行禮。

儀見三。畢。侍班官先趨出外朝就位。禮部尙書

進至檐前奏請卽

乾清門左門外降輿入還側殿易服大學士率學士奉

皇帝之寶送

乾清門各退是日表陳而不宣宮縣大樂皆設而不作餘儀與三大節同

右百官朝見

大清通禮卷之二十二

嘉禮

恭上

皇太后

尊號

徽號之禮

制下禮部尙書一人赴內閣承

制諏吉以

聞迺徧布諸司供備豫期禮部工部官會製

冊

寶於內務府。既辦擇良辰恭鐫

冊文。

寶文是日。所司豫設案於內閣政事堂中。設龍亭二。香

亭一。於製造所門外。內閣大學士學士禮部工

部尚書侍郎。咸朝服集政事堂。祇俟。至吉時工

部官奉

冊禮部官奉

寶設亭內。鑾儀校舁行。香亭在前次

冊亭次

寶亭前列

御仗二。華蓋一。禮部官屬前導。至內閣門外。亭止

有司奉

冊

寶。恭設於案。

冊東。

寶西退。閣部大臣均行三跪九叩禮。大學士一人奉

冊一人奉

寶授有司以授匠人鐫字於潔室。

西殿右諏日供備

屆期前一日遣官各一人祇告

天。

地。

太廟後殿。

奉先殿。

社稷如常儀。

右祇告

是日內閣具奏書

書辭隨時撰擬

盛於函黎明鑿儀衛

豫陳

皇太后儀駕於

慈寧門外至

長信門外內監陳中和韶樂於

慈寧宮檐下陳丹陛大樂於

長慶門內

詳見三大節

禮部鴻臚寺官豫設案一於

慈寧門外又設案一於

中和殿內均正中南向武備院卿豫設

皇帝拜位於

慈寧門案南。北向。大學士一人。朝服。奉奏書函。中書

舍人前導。至。

中和殿階下。導者止。大學士以奏書函入。

中和殿陳於案外。其緘展書。加函上。退。竝於東檐

禮部尙書侍郎二人。詣

乾清門奏時。遂前導

駕。

皇帝禮服乘輿出宮內。大臣侍衛前引。後扈如常儀

至

中和殿北階。降輿。詣殿內案前。北向

閱奏書畢。轉立東次。西向。大學士一人。進納書函內。

恭奉由殿中門出。禮部尙書侍郎導引前行。

皇帝乘輿從。至

永康門外。奉奏書大學士由中門入。至

慈寧門東階下。導者止。奉奏書大學士進陟中階。近

案前。折旋就左門之東。負序西面立。

皇帝降輿入左門。禮部尙書侍郎恭導。以下行禮。升

皆恭導。

慈寧門東階循南牖西向立。後扈內大臣從升。凡行禮進

退皆立於後前引十大臣領侍衛內大臣豹尾

班侍衛至東階下止立。如三大節儀。大學士一

人由西階升。就立西檐下。宣讀官一人從升。少

後立均北面。鴻臚寺鳴贊。一人立於東楹西面。

一人立於西楹東面內監奏請

皇太后御慈寧宮。

皇太后禮服出宮。中和韶樂作。樂章與三大節同。

升座樂止。

皇帝詣拜位北向立。奉奏書大學士暨西檐大學士

咸進至案前左右立。鳴贊贊跪。

皇帝跪。大學士跪進奏書於右。興退。

皇帝受奏書恭獻。大學士跪接於左。興陳案上。退鳴

贊贊宣奏書宣讀官進至案前北面跪啓函恭

奉奏書宣讀訖仍納於函興退皆復位奏拜興

升丹陛大樂作。樂章與三大節同。

皇帝行三跪九拜禮。興樂止復位。內監奏請

皇太后還宮。中和韶樂作。樂章與三大節同。

皇太后起座還宮樂止禮部尚書奏禮成。

皇帝降階導從如來儀出

永康左門乘輿還宮內監舉奏書案入大學士以下皆退

右進奏書

至日五鼓所司陳

皇帝法駕鹵簿樂縣於

太和殿外陳

皇太后儀駕樂縣於

慈寧宮均如儀設案於

太和殿內又設案於

慈寧宮門外及階下均正中南向又設案於階上左門之東西向序定班位

慈寧門外案南正中為

皇帝進冊寶位北向奉宣讀冊寶文大學士二人位

左案之東西面接冊寶大學士二人位西檐下

東面宣讀官二人位西檐大學士之後鴻臚寺

鳴贊二人分立於前檐東西面前引後扈內大

臣侍衛王公文武百官記注糾儀傳贊各官立位拜位均與三大節同

右陳設序位

雞初鳴王公文武百官朝服畢會所司設龍亭

二於內閣門外奉冊寶大臣二人以六部滿洲尚書侍郎內

閣學士疏列奉金

冊金

寶於盞奉宣讀

冊文

寶文於函分置亭內鑾儀校舁行前
冊亭後

寶亭禮部官屬十人前引導以

御仗二華蓋一由中路降升至

太和殿階下前引止亭至殿內

冊亭左肆

寶亭右肆奉冊寶大臣奉金

冊金

寶陳於案

冊東

寶西鴻臚寺官引王以下入八分公以上由

太和左右門入於丹陛上序立引公侯伯子男文

武二品以上官於右翼門外序立引三品以下

官於

午門外序立禮部尚書侍郎二人詣

乾清門奏時遂前導

駕

皇帝禮服乘輿出宮前引後扈如常儀至

太和殿北階降輿中和清樂作奏海上蟠桃之章

辭曰海上蟠桃乍熟日邊紅杏初芳

慈幃履慶承

天貺景福正綿長

一啓蓬萊排仙仗露溥溥疑仙掌禕

衣翟服爛明璫耀金鋪日擁扶桑喜風和駘蕩

鑪薰百和香太平有象

孝德光昌

二殿當中雲光瀆駕臨軒金闈敞

孝思不匱重天常展瑤函

寶冊輝煌喜風和駘蕩鑪薰百和香太平有象

孝德光昌三解紫霞杯葡萄釀九華燈芙蓉桁流霞紺

雪酌天漿頌期頤地久天長喜風和駘蕩鑪薰

百和香太平有象

孝德光昌四解玉衡平金波朗湛露融階莫長雲璈法

曲奏清商奉

慈徽長信傳芳喜風和駘蕩鑪薰百和香太平有象

孝德光昌五解萬方玉食尊親養

孝治烝烝天下仰敬歌

萬壽無疆趨辭

皇帝御殿北向閱士二人奉宣簡

冊

寶

右恭閱

皇帝既祗閱

冊

寶畢奉冊寶大臣恭奉置亭內鑾儀校舁行中和清樂

止提鑪華蓋前導詣

慈寧宮

皇帝乘輿從王公暨文武二品以上官各於所立位
跪候龍亭

御駕過輿以次從至

永康左門華蓋止龍亭由中門入禮部尙書侍郎
二人前導

皇帝降輿隨亭後行至

慈寧門階下亭止奉冊寶大臣奉金

冊金

寶陳於階下案大學士二人奉宣讀

冊文

寶文由中階升陳於左案遂就位立禮部尙書侍郎二

人恭導以下行禮
皆恭導

皇帝升自東階循南牖西向立大學士二人由西階
升就立西檐下宣讀官二人從升立少後鳴贊
立東西楹鴻臚寺官引王公百官咸依班位序
立與三大節同內監奏請

皇太后御慈寧宮

皇太后禮服出宮中和韶樂作樂章與三
大節同

升座樂止奉冊寶大臣就階下案奉金

冊金

寶升中階陳於中案退

皇帝就拜位北向立鴻臚寺官引王公以下文武百

官咸北面就位立大學士就案奉宣讀

冊文

寶文暨西檐大學士咸進至中案前左右立鳴贊奏跪

皇帝跪羣臣皆跪奏進

冊大學士跪進

冊於右興退

皇帝受

冊恭獻大學士跪接於左興陳於中案退奏進

寶如進

冊之儀贊宣

冊宣冊官進至案前北面跪啓函恭奉

冊文宣讀訖仍納於函興退贊宣

寶如宣

冊之儀畢皆復位內監四人昇

冊案

寶案二人前導由中門入陳於

慈寧宮檻外正中南向退奏拜興丹陛大樂作

樂章與三大節

同

皇帝率王公羣臣行三跪九拜禮

午門外序立百官承傳隨班行禮畢鳴贊贊禮成

樂止

皇帝復東次立王公以下各退就班位立內監奏請

皇太后還宮中和韶樂作

樂章與三大節同

皇太后起座還宮樂止禮部尙書奏禮成引

皇帝降階出

永康左門乘輿還宮翊衛如來儀羣臣各退

右恭進

皇帝既率羣臣上

冊

寶禮畢內監移設丹陛樂於

慈寧門東西檐下設

皇后拜位於

大清通禮

卷二十一

三

慈寧宮檻內

皇貴妃

貴妃

妃

嬪拜位於東西少後設公主福晉命婦拜位於丹

陛上北向內監轉奏

皇后

皇后率六宮公主福晉命婦詣

慈寧宮行禮如三大節之儀

右內庭朝賀

翼日所司入

太和殿鋪陳鑾儀衛官陳

法駕鹵簿仗馬步輦五輅馴象鼓吹常朝象樂部和

聲署陳樂縣均於常次

皇帝御殿受賀百官行禮均如三大節之儀

頒詔布告天下

詳頒詔儀

右受賀

Blank columns for text on the right page.

大清通禮卷之二十三

嘉禮

尊封

皇祖妃嬪

皇考妃嬪之禮。

制下。禮部諏吉以

聞豫期製寶。工部製

冊。皇貴太妃。貴太妃。冊。均送內閣鑄文。

冊。太妃。太嬪。冊。均送內閣鑄文。

行禮如儀。詳尊崇儀。

右諏日供備

屆期前一日遣官各一人祇告

太廟後殿。

奉先殿如常儀。

右祇告

至日內監設仗

皇貴太妃。貴太妃均於儀仗。太妃以下采仗。均於

太妃

太嬪宮門外接冊寶內監竢於門左右鑾儀衛備

采亭於內閣門外五鼓禮部尙書一人朝服詣

內閣內閣禮部官奉

冊寶印於亭內鑾儀校舁行。

冊亭前寶印亭後導以繖仗禮部官屬十人前引大

學士一人暨禮部尙書後隨恭送至

太妃

太嬪宮門外授內監內監奉

冊寶印入獻

太妃

太嬪內監出告禮成大學士尙書各退。

右遣官尊封

若尊加

太妃封號

皇帝親詣行禮。內監設

太妃座於宮內稍東西南向。如同日並封。皇貴太妃。貴太妃座。西南東南向。僉設。太妃座東西旁設。禮部鴻臚寺官設案於宮門

正中東西肆。又設案於門東南北肆。武備院官

設

皇帝拜位於中案前。北向辨執事官位。奉宣讀冊寶

文大學士二人。同日並封。奉冊寶。文兼用內閣學士。位東案之東

西面接冊寶。禮部侍郎。內閣學士二人。位中案

之西。東面。同日受封。接冊寶。兼用太常寺卿。宣讀官二人。同日


各用宣讀官一人。位西檐下。侍儀御史二人。禮部官二

人。位西階下。均東面。鴻臚寺鳴贊二人。位東西

柱前。東西面。漏未盡。鑾儀衛陳

法駕鹵簿於太和殿前。如常儀。設采亭於內閣門外。奉冊寶大

臣奉金



冊金寶及宣讀

冊文寶印文於亭內。鑾儀校舁行禮部官前引。如儀由中路降升。至

太和殿內。

冊亭左肆寶印亭右肆。稍僉向。如同日並封。依位次為左右。僉設旁。設各

從其宜。皆冊亭禮部尚書侍郎詣在上。寶印亭在下。

乾清門奏時。

皇帝禮服乘輿出宮。前引後扈。如常儀。至

太和殿北階降輿。

御殿南向立。中和韶樂作。樂章閱司前。

冊寶印畢。鑾儀校舁亭出。樂止。

皇帝乘輿。導引扈衛如初。詣

太妃宮。至宮門階下。亭止。奉冊寶大臣奉金

冊金寶。由中階升。設於中案。退。大學士二人奉宣讀

冊文寶印文。升中階。設於東案。就立案東。執事官咸

入侍立。

駕至宮門中階下。降輿。禮部尚書侍郎恭導。以下行禮皆恭

升中階。立於門左。西向。內監轉啓

太妃

太妃禮服出升座。

皇帝就正中拜位北向立。大學士進至中案左。鳴贊

奏進

冊。大學士跪進

冊文。

皇帝立受。拱舉。接冊寶。大臣跪接。興陳於中案。贊進

寶印。亦如之。大學士皆退。自東階降。接冊寶大

臣。自西階降。鳴贊贊宣。

冊。宣讀官詣案北面跪。啓函。奉

冊。宣讀訖。納於函。贊宣寶印。儀同。興皆退。自西階降。

內監舉

冊寶印案。進設

太妃座前。退。鳴贊奏跪拜興。

皇帝行二跪六拜禮。

太妃起。避立座旁。鳴贊贊禮畢。

皇帝仍於門左。西向立。

太妃降座。還內宮。禮部尙書奏禮成。

皇帝由中階降。乘輿還宮。執事官皆退。翼日。皇帝御太和殿。王公百官行慶賀禮如儀。

右親進

冊寶

大清通禮卷之二十四

嘉禮

皇帝大昏之禮。

制下。禮部徧布諸司供備。諏納采。大徵奉迎。吉日。會

同內務府奏

聞。會工部製金

冊。金

寶。翰林院撰

制冊文。進呈

欽定送內閣恭鐫如儀

詳冊立儀

納采之禮內務府官

備文馬十

鞍轡具

甲冑十幣百布二百以埃將屆

期禮部奏請

命尚書一人充納采使總管內務府大臣一人充副

使屆日黎明禮部鴻臚寺官設節案一於

太和殿內正中東西肆內閣官自閣奉

節陳於案退內務府官以龍亭分載甲冑布帛陳於

丹陛上左右陳文馬於丹陛下左右正副使入

祇埃於丹墀東鴻臚寺序班二人立使者之右

少後授節大學士一人立殿東檐下宣制鴻臚

寺官一人立大學士之右少後均朝服西面鳴

贊二人朝服分立殿外東西柱前東西面欽天

監官報吉時屆鳴贊贊齊班序班引使者就丹

墀東班拜位立北面西上贊進少進贊跪叩與

行三跪九叩禮與序班引使者升東階至丹陛

北面立鳴贊贊有

制使者跪宣制官進至殿中門之左西面宣

制曰

大清通志 卷二十四
皇帝欽奉

皇太后懿旨。納某女某氏爲后。命卿等持節。以禮納采。

宣畢。大學士進殿左門。詣案奉

節。由中門左出。至丹陛。以授正使。正使受

節。偕副使興。前行。降中階左。內務府官率校尉昇禮

物。龍亭隨降。衛士牽文馬從。

御仗前導。由

太和門中門出。詣

皇后邸第。

皇太后右遣使納采

是日。后父飭子弟潔埽邸第。有司豫設案一。於

廳事正中。東西肆。左右各一。南北肆。使者持

節至邸。將及門。下馬。后父朝服。出迎於大門外。道左

跪候。過。與使者入中門。升中階。登堂。陳

節中案。偕副使退。就案東。西面立。龍亭隨入。至儀門

外止。內務府官奉甲冑布帛入。登堂。陳於左右

各案。衛士以馬入。陳於庭左右。訖。后父升自西

階。詣廳事中門外。北面跪。使者少進。西面傳

制納采復位。后父聽

制。行三跪九叩禮。興。受諸禮物。使者詣案奉

節出。副使從。后父跪送於大門外。如初。內務府官皆

出。使者乘馬復

命。還

節有司。

右納采

納采禮成。有司詣

皇后邸設燕。

皇帝特命公主。大臣命婦。燕后母於內。

命內大臣侍衛八旗公侯以下。滿漢二品以上官。燕

后父於外。外燕朝服。后父為賓。席東上。內燕吉

服。后母為賓。席西上。序坐。行酒三巡。如常燕儀。

右納采筵燕

次行大徵禮。所司備黃金二百兩。白金萬兩。黃

金茶具一。白金茶具二。盆二。幣千。文馬二十。

具。閑馬二十。馱甲二十。備

賜后父。后母。黃金百兩。白金五千兩。黃金茶具一。白

金茶具一。盆一。帛五百。布千。馬六。具鞍轡甲冑一。

弓一。韞矢一服。朝服各二襲。衣各二稱。皆冬一。

夏一。貂裘各一。帶一。備。

賜后兄弟及從人服物有差。屆日有司陳大徵禮物。

於丹陛上陳。

賜物於丹陛下。禮部奏請。

命使傳。

制授。

節於。

太和殿儀如納采。使者承

制持。

節詣。

皇后邸執事官陳禮物於堂。陳

賜物於階上。陳馱馬於庭中。使者傳

制。后父聽。

制行禮儀注均與納采同。傳

制訖。后父降階。率子弟詣庭東。向

節行三跪九叩禮。豫往大門外祇竢。后母率諸婦出。

詣庭西向

節行六肅三跪三拜禮畢退使者持

節出后父以下跪送執事官皆退使者復

命還

節退

右大徵

及大昏前一日遣官各一人祇告

天

地

太廟後殿

奉先殿如常儀

右祇告

屆日行

冊迎禮禮部奏請

命大學士一人充奉迎使尚書一人副之所司豫疏

列內外執事官奏請

命內大臣十人侍衛十人充護從官

命二品以上命婦四人充前導七人充後扈十人充

恭侍是日。內鑾儀衛設

皇太后儀駕樂縣於

慈寧宮常次。如儀。武備院官設

皇帝拜褥於

慈寧門檻外。禮部鴻臚寺官設節案。冊寶案於

太和殿內。設龍亭於內閣門外。鑾儀衛陳

法駕鹵簿。樂部和聲署陳樂縣。各依常次。如式。又陳

中宮車輿於

太和門階下。陳儀駕於

午門外。內務府官陳冠服於車輿之南。黎明。內閣

禮部官自內閣奉金

冊。金

寶。及宣讀

冊。文。

寶文。分設龍亭內。禮部侍郎奉

節。同詣

太和殿。陳

節。中案。陳

冊左案。陳

寶右案。王公文武百官記。注糾儀執事各官。朝服陪

位。奉迎使。序立於丹墀東。扈從內大臣侍衛在

其後。均朝服。授節大學士。宣制鴻臚寺官。舉冊

寶案。內閣禮部官。朝服序立於殿檐下。並如

冊后遣使之儀。欽天監官報吉時。屆禮部尚書侍郎

詣

乾清門奏時。遂前導

駕。

皇帝禮服。乘輿出宮。前引後扈。如常儀。出

隆宗門。至

永康左門。降輿。入。立於

慈寧門外。東位西向。內監轉奏。

皇太后升慈寧宮寶座。禮部尚書侍郎恭導

皇帝就正中拜位。北向行三跪九拜禮。畢

皇太后還宮

皇帝自永康左門乘輿。仍入

隆宗門。由

保和殿

御太和殿

午門鳴鐘鼓。作樂。鳴鞭。鴻臚寺序班引正副使就

拜位行禮。畢。升東階北面跪。宣制官宣

制辭曰

皇帝欽奉

皇太后懿旨。納某氏爲皇后。茲當吉月令辰。備物典冊

命卿等以禮奉迎。宣畢。大學士授

節於正使。偕副使興。執事官舉

冊

寶。隨降中階。設龍亭內。以次出

太和門。

皇帝還宮。鳴鞭作樂。並如

冊后遣使之儀。奉迎使出。扈從內大臣侍衛從出。至

太和門外。奉迎使持

節在前。次龍亭。次

中宮車輿。冠服。儀駕。遂行。詣

皇后邸。

右遣使奉迎

是日步軍統領飭所部清蹕除道自

大清門至

皇后邸第宮殿監督領侍率內監備

交泰殿內外鋪陳恭侍命婦朝服豫詣殿外祇
導從命婦贊引侍儀宣讀女官朝服給事內監
采服均詣邸第祇蒞有司設節案一於邸第內
堂正中南設香案均東西肆設冊寶案於東西
各一均南北肆設拜位於香案前北向宣讀女

官二人立東案之南西面侍儀女官四人立拜
位左右東西面內監於外堂階下承應使者持
節至邸下馬后父率子弟朝服迎於大門外如前儀
使者入升中階立外堂東副使在其左均西面
冊

寶亭隨入權設於外堂左右內務府官奉冠服授內
監齋入轉授女官以進

皇后內鑾儀校陳鳳輿於階上正中陳車輿儀駕於
階下左右至大門內樂部和聲署陳導迎樂於

大門左右。后父升自西階。詣外堂中門外正中。北面跪。使者西面傳。

制復位。后父聽。

制行三跪九叩禮。興退至階西。內監入轉奏。

皇后御禮服。贊引女官恭導出閣門外道右。俟。后母

及諸婦朝服。詣外堂門內道右。正使授

節於內監。副使自龍亭奉

冊。

寶以授內監。均奉自中門入。后母以下跪。候過。興。

皇后立。候過。隨入。內監奉

節。

冊。

寶陳於各案。退。贊引女官引

皇后就拜位。跪。宣讀女官次第宣

冊。

寶。

皇后受

冊。受。

寶行禮。均如宮中

册立儀。內監奉

節出。授使者。

皇后及母祇送。如初。贊引導

皇后入閣。少憩。女官奉

册。

寶。仍授內監。分設於龍亭。

右祇受

册禮既成。欽天監官報升輿吉時。屆。內鑾儀校進鳳

輿於內堂階下正中。南向。前導命婦恭導

皇后出閣。後扈命婦翼擁降階。后母率諸婦送至輿

前。

皇后升鳳輿。后母及諸婦少退。奉迎使持

節出。乘馬先行。后父跪送。如初。輿少退。次導迎樂。陳而

不次儀駕車輿。次

册

寶亭。次鳳輿。啟行。出大門。命婦乘騎導從。內監步行。

左右扶輿。內大臣侍衛在後。乘騎護從。由

大清門中門入。至金水橋。奉迎使下馬。持節入鳳輿至。

午門外。鳴鐘鼓。儀駕止。九鳳曲蓋前導。執事命婦下馬。步行導從。內大臣侍衛於金水橋步從。由午門。

太和門中門入。

中左門。

後左門至。

乾清門。龍亭止。奉迎使復

命還

節。偕內大臣侍衛各退。內監自龍亭奉

冊。

寶。前行。恭導命婦。導鳳輿入。

乾清門中門至。

乾清宮階下。內監奏請

皇后降輿詣

交泰殿。導從命婦退。恭侍命婦。祇迎

皇后入中宮。內監奉

册

寶授守寶內監退。合盞吉時。屆宮中設合盞燕。宮殿

監督領侍具奏。

皇帝禮服御中宮。行合盞禮。給事宮人恭侍命婦退。

右合盞

翼日尚膳潔具

皇后盥饋

皇太后御席又具

皇太后醴饗

皇后御席內監侍豫設朝見拜位於

慈寧宮內正中。北向。又設醴位於東西南向。質明。

皇太后儀駕樂縣陳設如常儀。內監轉奏

皇后行朝見禮。

皇后禮服出中宮乘輿。導從如儀。

詳見三詣大節

慈寧宮降輿。引入丹陛上。西位東向立。內監轉奏

皇太后禮服出內宮。中和韶樂作。

升座樂止。贊引命婦引

皇后詣正中拜位。行六肅三跪三拜禮。興少退立。尚

皇太后前。食進席於

皇太后前。

皇太后舉酒嘗食。贊引命婦引

皇后復行二肅一跪一拜禮。興引詣醴位。坐尚食進

席於

皇后前。

皇后舉酒嘗食畢。興內監侍徹贊引引詣拜位行禮

如初。少退。西向立。

皇太后起座作樂。還宮贊引引

皇后出乘輿。還中宮。執事命婦皆退。

內右朝見

越日。

皇帝率羣臣詣

皇太后宮行禮。迺

御太和殿。王公百官上表稱賀。

頒詔宣示天下。直省文武官各進表稱賀。

皇后詣

皇太后宮行禮。詣

皇帝前行禮。公主、福晉、命婦詣

皇后宮行禮。均如

冊后之儀。是日樂部和聲署陳樂縣於

太和殿常次尚膳供

御膳羞。光祿寺備燕席。

皇帝御太和殿。

賜后父及其族屬燕。王、公、百官咸與。后父布席於殿

內。王、公之末。其族屬按翼於本旗序品列坐。

駕升寶座時。王、公以下陪位如常。鴻臚寺官引后父

率其族屬詣丹墀東北面。行三跪九叩禮。畢均

引入班就位。坐。陳席奏樂。行酒。如

太和殿筵燕儀

皇太后御慈寧宮。

賜后母及其親屬燕。公主、福晉、夫人、大臣、命婦咸與。

內監陳樂縣。內務府官供饌具。后母布席於夫

人之末。其親屬按品布席於命婦之位。

皇太后升寶座時。公主以下陪位如常。內監引后母率

其親屬詣丹墀東北面。行六肅三跪三拜禮。畢。

慈寧宮筵燕儀。

均引就位坐。陳席奏樂。行酒如

右禮成慶賀筵燕

人右禮成慶賀筵燕... 均引就位坐... 陳席奏樂... 行酒如... 右禮成慶賀筵燕... 均引就位坐... 陳席奏樂... 行酒如... 右禮成慶賀筵燕...

大清通禮卷之二十五

嘉禮

皇子昏禮。內務府承

旨。劄欽天監。諏指昏吉日。並列大臣命婦中。偕老者

奏襄昏事。既得

旨。以告於福晉家。屆期。襄事大臣。偕福晉父。蟒袍補

服。詣

乾清門東階下。福晉父北面跪。襄事大臣西面。稱

有

旨。今以某氏女作配與皇子某爲福晉。福晉父承旨訖。行三跪九叩禮。與退。

右指昏

擇吉。

皇子蟒袍補服。往見福晉父母。至門。福晉父蟒袍補服。迎於門外。

皇子入。升堂。

皇子三拜。福晉父答拜。見福晉母亦如之。辭出。福晉父送於門外。

右禮見

迺誦吉納幣。內務府備黃金項飾一。釵六。珥六。均以珠飾。釧四。黃金衣鈕百。白金衣鈕二百。黑貂皮三。貂皮百有四十。狐皮二百有五十。黑獺皮七。采幣表裏各百。棉三百斤。

賜福晉父母黃金十兩。白金七百兩。貂冠。狐裘佩帶。刀。悅鞞。襪。具。金珥六。狐賺袍一。獺皮六。馬二匹。鞍轡具。屆日。內務府官。以采亭載諸禮物。如福晉家。福晉父朝服。迎於大門外。內務府官入。陳

幣於堂。陳馬於庭。陳

賜物於階上。以納幣告。福晉父祇受。訖。率其子弟序

立庭東。望

闕。行三跪九叩禮。福晉母率諸婦出。序立庭西。望
闕。行六肅三跪三拜禮。內務府官退。福晉父送於

大門。如初迎禮。

右納幣

是日。所司備伶樂一部。燕席五十。果餌五十席。
酒五十尊。羊三十有六。詣福晉家。設內外筵。燕

外。燕於廳事。東西布席。相向。北上。福晉親族職

官。及不入直之公。侯。伯。內大臣侍衛。一二品官

朝服畢會。屆時。鴻臚寺官引入。升堂。福晉親族

及本旗大臣侍衛。東位。西面。各旗公侯伯等官。

西位。東面。就席。一叩。序坐。司茶奉茶。衆受茶。飲

茶。皆一叩。司筵奉果餌。酌酒。伶工入奏。衆獻酬。

樂闕。興出。司筵徹果餌。衆易蟒袍補服。仍入就

位。司筵奉饌。酌酒。奏樂。獻酬交錯。如初。樂闕。興

鴻臚寺官。引衆官詣堂下。望

闕北面序列聽贊。行三跪九叩禮。興退。內燕於中堂。福晉親屬諸婦及一二品命婦咸會。內務府管領妻量人給事行酒。如外堂燕儀。

右納幣燕會

成昏前一日。福晉家豫以妝奩送

皇子宮鋪陳。屆日質明。

皇子蟒袍補服。詣

皇太后

皇帝

皇后前行禮。若

妃嬪所出。並於

妃嬪前行禮。各如儀。內務府選隨從女官八人。豫詣福晉家閣前。祇候。贊事命婦豫詣

皇子宮內別室祇候。自宮門至於福晉家。步軍統領。飭屬灑掃清道。鑿儀衛備采輿。紅緞幃。總管內務府大臣一人。官屬二十人。蟒袍補服。護軍四十人。偕如福晉家奉迎。福晉家咸采服。以俟。及大門。福晉父迎入。如納幣禮。并輿吉時。屆

內鑾儀校奉采輿陳於中堂。執事女官以升輿吉時告。福晉禮服出閣。隨從女官翊升輿。母率諸婦送於庭。父率子弟送於門。內校舁采輿行。鐙十有六。炬二十。前導。女官隨從。出大門。乘馬。總管內務府大臣率屬及護軍前後導護。至紫禁城門外。衆下馬步入。女官隨采輿入。至皇子宮門前。止輿。女官恭導福晉入宮。合盞吉時。屆贊事命婦上合盞酒。設燕。皇子與福晉行合盞禮。執事者皆退。是日於

皇子宮近處張幕結采。設燕六十席。果餌六十席。酒六十尊。羊四十有五。燕福晉父母戚屬羣官。如納幣之儀。

右奉迎合盞

昏禮既成翼日。

皇子偕福晉夙興朝服。內務府管領妻二人導詣

皇太后

皇帝

大清通禮

卷二十五

五

皇后前行朝見禮。

皇子三跪九叩。福晉六肅三跪三叩。次詣所出妃嬪前行禮。

皇子二跪六叩。福晉四肅二跪二叩。各如儀退。右朝見

既昏之九日。行歸寧禮。

皇子偕福晉至福晉家。福晉第設燕。燕畢。偕還。率不過午。

右歸寧

皇孫昏禮。納幣。用金約領一。以珊瑚東珠飾。釵六。珥六。均以珠飾。釧四。黃金衣鈕百。白金衣鈕二百。黑貂皮三。貂皮百有四十。狐皮二百有五十。海龍皮七。采幣表裏八十。棉二百有五十斤。是日。燕三十席。果餌三十席。酒三十尊。羊二十有六。成昏日。燕四十席。果餌四十席。酒四十尊。羊三十有五。昏儀同。

右

皇孫昏禮

大清通禮 卷二十五 六
皇曾孫昏禮。納幣。用金約領一。以珊瑚東珠飾釵六。珥二。均以珠飾。釧四。黃金衣鈕六十。白金衣鈕百有三十。黑貂皮三。貂皮百有四十。狐皮二百有五十。海龍皮七。采幣。表裏五十。棉百有七十斤。是日。燕十有六席。果餌十有六席。酒十有六尊。羊十有二。成昏日。燕二十席。果餌二十席。酒二十尊。羊十有六。昏儀同。

右

皇曾孫昏禮

公主下嫁之禮。內務府承

旨。劄欽天監。諏指昏吉日。並列大臣命婦中偕老者。奏襄昏事。既得

旨。禮部以告於額駙家。屆期。襄事大臣偕額駙蟒袍

補服詣

乾清門東階下。額駙北面跪。襄事大臣西面。稱有旨。今以某公主擇配某人。額駙祇受

命。行三跪九叩禮。興退。

右指昏

指昏後禮部奏定額駙品級

公主係 皇后所出為固倫公主

壻為固倫額駙品級 貝子如係 妃嬪所出為和碩公主壻為和碩額駙品級 貝子超等

旨下內務府備公主帽頂朝服首飾工部備儀仗

吉行初定禮額駙家備一九禮駝一馬八羊八

十有一酒四十有五尊詣

午門前恭進得

旨分納所司次日光祿寺官備筵燕武備院官張黃

幔於

中和殿北階下內務府官陳反坫尊爵金卮壺勺

具禮部理藩院尚書侍郎內大臣內務府大臣

光祿寺卿同眠布席設

御筵於

保和殿

寶座前正中殿內東西布席各五行前引大臣為一

行內外親王郡王二行貝勒貝子額駙公三行

滿漢大學士尚書四行回子公外藩額駙台吉

五行在東額駙族人二行三行內大臣四行五

行在西相向北上
 寶座後東西為豹尾班侍衛席又西為記注官席均
 僉向殿門外檐下東旁為理藩院尚書席次侍
 衛席禮部尚書侍郎席黃幔左內務府大臣席
 黃幔右均東西向樂部陳中和韶樂於
 保和殿檐下陳丹陛樂於
 中和殿後階均北向笳吹隊舞雜技百戲俟於殿
 東隅屆時
 欽命入燕之王大臣侍衛及執事各官蟒袍補服畢

會

保和殿前按翼序立理藩院尚書侍郎率額駙父
 額駙及其族人朝服詣

慈寧宮門外

若額駙非外藩即無庸理藩院引以下並同

鴻臚寺官引至東

階下北面行三跪九叩禮畢引詣

保和殿前入班序立禮部尚書侍郎赴

乾清門奏時

皇帝龍袍衮服乘輿出宮前引後扈如常儀

御保和殿升座鴻臚寺官引額駙父等排班北面聽

贊行三跪九叩禮。興。王公以下就位。額駙父等
均入班就位。跪叩坐。

賜茶畢。進爵大臣進

皇帝酒。跪叩如

太和殿燕禮。額駙父等出殿外。至階下甬道左右。

北面隨跪叩。興復位。徧爵作樂。升歌行酒。儀注

均與

太和殿燕禮同。燕畢。引額駙父等詣丹陛拜位謝

恩。行一跪三叩禮。入燕王大臣均於坐次行禮如儀。

禮部尚書奏筵燕禮成

皇帝還宮。眾退。理藩院尚書侍郎。鴻臚寺官。引額駙

父等至

內右門外向

皇后宮序列。行三跪九叩禮。退。是日內監設中和韶

樂及丹陛樂於

慈寧宮常次如儀。尚膳女官設

皇太后筵於

寶座前。南向設

皇后筵於東西南南向又以次布

皇貴妃。

貴妃。

妃。

嬪席於東西少後僉向額駙母及其族中諸婦布

席於

嬪席之下少南西位東面進爵命婦侍衛命婦布

席於丹陛下東位西面張黃幔設反坫陳金器

於

慈寧門下至時內監引額駙母及其族中諸婦俱朝

服於

啟祥門外齊集內監奏請

皇后具龍袍龍褂

內庭主位具采服出

啟祥門由

徽音左門入詣

慈寧宮就坐次序立額駙母及諸婦隨入至丹陛上北

面立總管內監奏筵燕齊備請

皇太后具龍袍龍褂御慈寧宮寶座內監引額駙母及

諸婦行六肅三跪三拜禮畢以下入坐行禮並由內監導引各

就坐次立。

皇后

內庭主位暨額駙母等均跪叩坐。

賜茶畢進爵命婦進

皇太后酒如

慈寧宮燕禮額駙母等出至階下甬路左右隨行禮畢

復位徧爵作樂升歌均與

慈寧宮燕禮同燕畢引額駙母等至丹陛拜位謝

恩行二肅一跪一拜禮總管內監奏請

皇太后還宮。

皇后

內庭主位皆還內宮內監引額駙母等詣

皇后宮行六肅三跪三拜禮退。

如

皇太后宮停止筵燕於

皇后宮行筵燕禮是日內監設中和韶樂及丹陛樂

於

皇后宮常次

內庭筵燕處所
先期請旨

尚膳內監設

皇后筵於

寶座前南向以次布

皇貴妃

貴妃

妃

嬪席於東西少南向

欽命入燕之公主福晉布席於東旁西向額駙母及

其族中諸婦布席於西旁東向進爵命婦侍衛

命婦布席於月臺上東西相向張黃幔設反坫

陳金器於宮門內正中至時

內庭主位具采服由內宮出內監引就坐次少立

公主福晉隨入各就坐次序立首領內監奏請

皇后具龍袍龍褂出內宮升座引禮內監引額駙母

及諸婦於階下行禮畢各就坐次立

內庭主位公主福晉暨額駙母等均跪叩坐

賜茶畢進酒命婦進

皇后酒。額駙母等出至階下北面隨跪叩興復位。徧
爵作樂。升歌行酒。儀注均與

慈寧宮筵燕同。燕畢。內監引額駙母等至階下。謝

恩行禮如儀。

皇后還宮。

內庭主位。公主。福晉暨額駙母等俱退。鴻臚寺官

引額駙並族人朝服於

內右門外行禮如前。

其右初定燕會

下嫁前一日。額駙蟒袍補服率族人詣

皇太后

皇帝

皇后宮門前行三跪九叩禮。各如儀。內務府官率鑾

儀校。以公主妝奩詣額駙邸第。內管領命婦二

人。偕女侍隨往陳設。至日黎明。額駙家備九九

禮物。文馬十有八。鞍轡具。馱甲十有八。馬二十

有一。駝六。羊八十有一。酒四十有五尊。詣

午門恭納。是日筵燕於

保和殿。

慈寧宮如初定禮。

和碩公主停止此燕

所司豫奏請王福晉貝勒

貝子夫人中結髮偕老者。

欽命陪送。總管內務府大臣命婦二人。內管領命婦

十人。充導從。皆盛服。於宮外別室祇候。贊事命

婦。豫詣額駙邸別室祇候。自公主所出宮門。至

額駙邸。步軍統領飭屬灑掃清道。鑾儀衛備儀

仗。采輿。總管內務府大臣一人。官屬四人。內管

領二人。護軍叅領二人。護軍校二人。蟒袍補服

偕護軍二十人。於所出宮門前祇候。升輿吉時

屆。公主吉服詣

皇太后

皇帝

皇后前行禮。若

妃嬪所出。並於

妃嬪前行禮。各如儀。畢。命婦翊升輿。下簾。內校昇

輿行。出宮。儀仗前列。鐙十有六。炬二十。前導。陪

送福晉夫人。及隨從命婦。乘輿隨行。總管內務

府大臣內管領乘騎稍遠導從。叅領及護軍乘騎護行。詣額駙邸第。及門。衆下馬。步入儀仗止。及儀門。各官止。輿入。至廳事正中。止輿。命婦於階下降輿。升堂。導公主降輿。福晉夫人降輿。隨公主入室。額駙父禮賓於外堂。額駙母禮女賓於中堂。徧饗諸執事者。各如禮。合盃吉時。屈贊事命婦。上合盃酒。設燕。額駙與公主行合盃禮。衆退。

右于歸合盃

下嫁禮成。九日。行朝謝禮。公主額駙夙興朝服。

公主詣

皇太后

皇帝

皇后及所出

妃嬪前行禮。額駙詣

慈寧門外東階下。

乾清門外。

內右門外行禮。

或與公主進
行禮。候

內同
旨遵行。各如儀畢。還

邸第。

右朝謝

親王昏禮。將及冠。訪朝臣女。或外藩王女。年齒相當者。奏

聞請

旨。

命下。以次行禮。如奉

旨。賜昏者。是日。王蟒袍補服。詣

乾清門謝

恩。往謁福晉父母如儀。初定。王府備燕五十席。牲三

十有六。酒五十尊。若聘外藩女。燕用牲四十有

五。行七九禮。用牲六十有三。鞍馬甲冑各三。白

金茶具一。繒十有一。布四十有二。率準七九之

數。使官屬之長。齋如女家。昏家。禮請親王以下。

輔國公以上。公主福晉以下。郡君貝子夫人以

上。禮部轉傳公侯伯以下。侍郎男以上。畢會燕。

男。布席於外堂。女。布席於內堂。獻酬行酒。如

皇子初定燕儀。

右定昏

次行納幣禮。王府備黃金項飾一。金珥六。金釵大小各三。指環十。均綴以珠。采繒衣裳九襲。衾褥七具。黃金二十兩。白金千兩。給女父母朝衣一。冠帶。鞞具。采衣裳一。金珥二。鞍馬二。若聘外藩親王女。用鞍馬十有二。甲冑十有二。閑甲二十有四。繒六十。布六百。白金茶具三。聘郡王女。鞍馬甲冑各減二。閑甲減四。繒減十。布減百。聘貝勒女。鞍馬甲冑各減四。閑甲減八。繒減二。

十。布減二百。

仍以聘親王女物數爲率減之。

白金器均同。聘台

吉女鞍馬甲冑閑甲繒布半之。白金茶具二。

王府官公服。齎詣福晉家。主人公服迎入。使者陳禮物於堂。有馬則陳於庭。以納幣告。主人拜受。使左右徹之。送使者如禮。

右納幣

昏前一日。女家豫以妝奩送王府鋪陳。至日。王禮服。於次。使其長史率官屬備儀衛采輿。如福晉家迎。升輿吉時。屆納采輿於中堂。福晉禮

大清通禮 卷二十一
服出閣。送女者翊升輿。母送於閣門外。姑姊妹
戚屬送於輿前。父送於外堂。子弟送於門外。鐙
炬前輿。送女者升車。從詣王府。由中門入。及堂
前。止輿。王出次。俟於堂。送女者導福晉降輿。王
揖先入。福晉從入室。行合巹禮。其日。王府設燕
席六十。牲四十有五。酒六十尊。聘外藩女。用牲
六十有三。親王以下。侍郎男以上。公主福晉以
下。郡君貝子夫人以上。咸會。如定昏燕禮。饋贈
外藩王。貝勒台吉。及福晉。白等。送女來者。冬

夏衣各一襲。貂裘各一。鞋帶佩刀各一。弓一。韋
矢一服。甲冑各一。鞍馬二。采繒三十。布二百。白
金茶具三。女之兄弟。時衣一襲。給隨從男婦
三十人衣服。有差。

八右成昏

若奉

旨賜昏者。成昏之明日。王及福晉夙興。朝服。詣

大內謝

恩行禮。如

皇子昏儀

右謝

恩

親王世子郡王昏禮。納幣。用指環八。采繒衣裳八襲。衾褥六具。黃金十兩。白金七百兩。初燕。席四十。牲二十有七。酒四十尊。昏燕。席五十。牲三十有六。酒五十尊。餘物。準親王。會燕。及給女父母服物。並與親王同。若聘外藩親王。郡王。貝勒。台吉。女。納采禮。聘禮。燕席。牲酒。均如親王。聘外

藩女之數。昏禮既成。饋贈外藩親王。郡王。及福晉。送女來者。並女之兄弟。及隨從男婦衣物。均準親王。外藩貝勒。台吉。及夫人。送女來者。給繒二十有五。布百有五十。餘物。準親王。給隨從男婦二十有五人。衣服有差。凡昏儀。與親王同。

右親王世子郡王昏

郡王長子。貝勒。昏禮。納幣。用指環六。采繒衣裳七襲。不綴金珠。衾褥五具。黃金五兩。白金五百兩。餘物。準親王。給女父母繒衣裳各一襲。不綴

采鞍馬一。閑馬一。初燕席三十。牲十有八。酒三十尊。昏燕席四十。牲二十有七。酒四十尊。郡王以下。尚書子爵以上。郡主郡王福晉以下。郡君貝子夫人以上。咸會燕儀。同郡王若聘外藩女。納采。用牲四十有五。鞍馬甲冑各二。繒八。布三十。白金茶具一。燕用牲二十有七。納幣。並如郡王聘外藩女之數。昏燕用牲四十有五。昏禮既成。饋贈外藩親王郡王及福晉送女來者。並女之兄弟及隨從男婦衣服。得準親王貝勒台吉。

夫人送女來者。給時衣各一襲。貂裘。猞猁。獾裘。各一。鞵帶。佩刀。囊。韃。各一。鞍馬一。繒二十。布百。白金茶具二。隨從男婦二十人。給衣服有差。凡昏儀與郡王同。

右郡王長子貝勒昏。貝子昏禮。納幣。用指環四。釵大小各二。繒衣裳六襲。衾褥四具。白金四百兩。餘與貝勒同。給女父母。眠貝勒。減閑馬一。餘衣物數同。初燕席二十。牲十有四。酒二十尊。昏燕席三十。牲二十有

一。酒三十尊。貝勒以下。本旗侍郎男以上。郡君貝勒夫人以下。縣君輔國公夫人以上。咸會燕儀同貝勒。若聘外藩女。納采。用牲二十有七。鞍馬甲冑各一。繒四。布十有九。白金茶具一。燕用牲十有八。納幣。鞍馬六。甲冑各六。閑甲十有二。繒三十。布三百。白金茶具二。昏燕。用牲二十有七。饋贈親王。郡王。及福晉。送女來者。女之兄弟及隨從男婦衣物。均得準親王。貝勒。台吉。夫人。送女來者。給時衣各一。襲貂裘。狐裘各一。鞋帶。

佩刀。橐鞬各一。鞍馬一。繒十有五。布七十。白金茶具一。隨從男婦十有五人。給衣服有差。凡昏儀與貝勒同。

右貝子昏

宗室公昏禮。鎮國公納幣。用繒衣裳五襲。白金三百。餘與貝子同。初燕。席十有八。牲十有三。酒十有八。尊。昏燕。席二十有八。牲十有七。酒二十有八。尊。禮請貝子以下。奉恩將軍以上。貝子夫人以下。奉恩將軍恭人以上。及本府官屬會燕。

給女父母服物。並同貝子。若聘外藩女。納采。用牲十有八。鞍馬。甲冑各一。繒三。布十有一。白金茶具一。燕用牲。如納采數。納幣。鞍馬五。甲冑各五。閑甲十。繒二十有五。布二百五十。白金茶具二。昏燕。用牲二十有七。饋贈送女來者服物。係親王郡王。得眠親王。係貝勒台吉。均準貝子。輔國公納幣。繒衣裳四襲。衾褥三具。餘與鎮國公同。初燕。昏燕。牲席各減二。酒如席數。鎮國公以下。奉恩將軍以上。暨本府官屬。縣君鎮國公夫人以下。奉恩將軍恭人以上。咸會燕。給女父母服物。與鎮國公同。若聘外藩女。納采。用牲一。九。鞍馬甲冑各一。繒三。布二。白金茶具一。率準一。九之數。初燕。用牲十有八。納幣。鞍馬。甲冑各四。閑甲八。繒二十。布二百。白金茶具二。昏燕。牲席。及饋贈送女來者衣物。準鎮國公。凡昏儀。均與貝子同。

右宗室公昏

宗室將軍昏禮。鎮國將軍納幣。衣裳。繒三襲。布

一襲衾褥。繒二具。布一具。金項飾一。釵二。珥二。無指環。白金。初燕。用牲六。昏燕。席十有五。親友僚屬咸會。餘儀與輔國公同。輔國將軍。納幣。繒衣二襲。繒衾褥一具。餘物與鎮國將軍同。初燕。減牲二。昏燕。減五席。奉國將軍。納幣。禮物如輔國將軍。初燕。復減一牲。昏燕。減二席。奉恩將軍。納幣。減布衾褥一具。餘與奉國將軍同。初燕。減一牲。成昏日。減一席。昏儀與宗室公同。凡未受

之子。昏禮。祇其父。

右宗室將軍昏

閑散宗室昏禮。納幣。繒衣二襲。衾褥一具。金項飾一。珥二。無釵。初燕。牲二。昏燕。六席。閑散覺羅昏燕。五席。其餘禮物。初燕。牲數。並祇宗室。昏儀均與奉恩將軍同。

右閑散宗室覺羅昏

郡主于歸之禮。將及笄。訪朝臣。外藩蒙古王子。年齒相當者。奏

聞請

旨命下。以次行禮。若奉

旨賜昏者。額駙先詣

乾清門謝

恩。如公主指昏之儀。初定。停止筵燕。朝臣不進納采

禮。若外藩王。貝勒。台吉等。尚郡主。駝一。馬四。羊

四。遣人納於王府。王受之。

右定昏

成昏前期。禮部奏請郡主額駙品級。郡主。駝郡

王福晉額駙。祇武職一品。若額駙爵在一品以上。則從其爵。下同。

若奉

旨賜昏者。成昏前一日。額駙率族人詣

乾清門行謝

恩禮。次行納幣禮。額駙家備鞍馬各七。若外藩用馬

六。牛六。羊六十。遣人齎獻於王。王納之。如定昏

禮。如奉

旨賜昏者。應進聘禮。額駙屆期於

午門前納進。

右納幣

昏前一日。王使人以妝奩。張陳額駙室。至日。額駙朝服。祇俟邸第。王使其官屬備儀衛。采輿送郡主于歸。升輿吉時。屈郡主禮服。侍女引出閣。詣王前辭。次詣福晉前辭。均行四肅。二跪。二叩禮。執事官進輿於中堂。侍者引郡主升輿。王府護衛官前導。鐙炬前輿。侍婢六人。男婦四戶。媵如額駙邸第。額駙出迎於門外。輿至。導入至內堂。止輿。媵導郡主降輿。額駙偕入室。行合巹禮。

其日額駙第設昏燕。朝臣燕五十席。酒五十尊。牲三十有六。外藩燕三十有六席。牲酒如之。額駙族職官命婦咸采服會燕。若奉

旨賜昏者。光祿寺備茶。額駙備羊酒。燕於邸。內大臣。內務府大臣。禮部尚書。侍郎。若外藩額駙。理藩院尚書。侍郎亦與

咸會。縣主以下。鄉君以上。並同。

右成昏

昏禮既成。九日。郡主額駙夙興。蟒袍補服。偕郡主詣王府歸寧。如

皇孫女奉

旨賜昏者。欽天監諏吉奏

聞。內管領妻二人導引郡主詣

皇太后宮

皇帝

皇后前行六肅三跪三拜禮。於

內庭主位前行四肅二跪二拜禮。額駙由禮部尙

書

外藩額駙會
同理藩院。

引詣

慈寧門外

乾清門外

內右門外行禮如儀。

右九日歸寧

縣主于歸之禮。朝臣納幣。鞍馬各五。若外藩。納

采。用駝一。馬三。羊五。納幣。馬五。牛五。羊五十。媵

婢四人。男婦三戶。朝臣額駙第筵燕。席四十。牲

二十有七。酒四十尊。若外藩。燕如郡主于歸數。

餘儀同。其品級。縣主。媵貝勒夫人。額駙。媵武職

二品。

右縣主出嫁

郡君于歸之禮。朝臣納幣。鞍馬各四。若外藩。納采。用駝一。馬二。羊六。納幣。馬四。牛四。羊四十。昏燕。朝臣席三十。酒三十尊。牲二十有一。外藩。席三十。牲酒數如之。媵婢三人。男婦二戶。其品級。郡君。眡貝子夫人。額駙。眡武職三品。縣君。朝臣納幣。鞍馬各三。若外藩。納采。馬三。羊六。無駝。納幣。馬三。牛三。羊三十。昏燕。朝臣席二十。牲十有七。酒二十尊。外藩。席二十有四。牲酒數如之。媵

婢二人。男婦二戶。縣君。眡鎮國公夫人。額駙。眡武職四品。鄉君。朝臣納幣。鞍馬各二。若外藩。納采。馬二。羊七。納幣。馬二。牛二。羊二十。昏燕。朝臣席十有六。牲十有四。酒十有六尊。外藩。如縣君于歸數。媵婢二人。鄉君。眡鎮國將軍夫人。額駙。眡武職五品。凡昏儀。均與郡主同。

右郡君縣君鄉君出嫁

民公以下昏禮。將及冠。擇朝臣女年齒相當者。先以媒妁通言二姓。遂諏吉行納幣禮。民公用

大清通志 卷二十一
金項飾一。珥二。釵三。繒衣四襲。繒衾褥三具。侯伯與公同。一品官繒衣三襲。餘與伯同。二品官繒衣二襲。繒衾褥二具。餘與一品官同。三品官釵二。餘與二品官同。四品官繒衣一襲。繒衾褥一具。無釵項飾。一。珥二。能具者備用。五品至九品並同。屆吉。主人吉服。命子弟爲使。從者齋禮物。如女氏。至門。女氏主人吉服迎入。從者陳禮物於廳事。賓致命。主人祇受。告於廟。迺醴賓。賓退。主人送於門。使者還復命。是日具燕。民公用。

牲九。侯八。伯七。一品官六。二品官四。三品官三。四品至九品官均用二。昏期前一日。女氏以匱具往陳壻家。至日。壻家具合巹燕於室。壻吉服以俟。迺設儀衛。各眠其品。子未受職。父爲納婦者。禮眠其父。鼓樂不得過十二人。鐙不得過十二。以婦輿如女氏。女氏主人告於廟。筭而命之。醴女以俟。迎者至。姆奉女升輿。至門。女侍導婦入室。交拜訖。行合巹禮。是日設燕。民公席二十。侯十有八。伯十有七。一品官十有五。二品官十

有三。三品官八。四品官六。五品官五。六品至九品官具燕。俱用牲三。越三日。主人主婦率新婦見於廟。分不得立廟者。見祖禰於寢。如常告儀。士昏禮得眠九品官。庶民納采。衣一襲。衾褥一具。燕用牲一。昏燕用牲二。不得僭用儀衛。鐙鼓樂人。均不得過八。凡昏儀並同。

右民公以下品官士庶昏

